

Ŋwa' wvu fwe wvù Baul to saŋεε ê Timatio

Fiεε fi nu ê Ŋwa' Timatio wvu fwe wvun e

Ŋwa' wvun nu wvu fwe wvù Baul to saŋεε fô cuwee mvu wvù diee to nu Timatio le. Timatio to nu wee Klistu, ε wvú to nu wee wvu woŋ wvù Esia wvu caan e. Mwεεm mvù Baul saŋ ekume mvú ê ŋwa' we wvu fwe wvun e nu mvuntentem.

Fi fwe nu ε wvú jemyi jó teete le bó eyenè ekume n'yεeyi wvù yaa nu ke wvu leŋ enteleŋ jo bonyii bo mbee le. Wvuwvun n'yεeyi to nu le, woŋ wvù beene yene wvun nu woŋ kebefε, ε wee nulo ke ekeŋke mboyma ke seke wee kee mwεεm mvumew mvù nu ê kenyile le bô seke wee cee nce mvu ke diewe keetune keediee kfuu mwεεm mvumew bô keenu se kpwoon keneε diemsen.

Ŋwa' wvudvu jemyi ten ekume no è nulo é Timatio egeè lemme diew ê kentaashe ke bonyii bo mbee le ente, bô no bonyii eburnleè Nyo'. Wvú bvuu seŋe kfuu keŋge kè bikuu bi bintaashe bi bonyii bo mbee le noo bonyii bô fici gee dilemme ê bintaashe ente keŋke keekeŋke. Keemese nu ε wvú ε tefe Timatio no wvú nulo elemte diewe waa lemme Jisos Klistu wvù jee le.

Bikuu bi mwεεm e ê Ŋwa' wvun e

1:1-2 Keŋkewce

1:3-3:16 Bontefe ekume no bó egeè mwεεm ê kentaashe le bô ekume bocee bikuu bi kentaashe le

4:1-6:21 Bontefe ekume no Timatio egeè lemme diew

¹ È nu me wvù Baul, ε me nu waa ntum Klistu Jisos no Nyo' wvù Mboyse wesebeene bô Klistu Jisos wvù beene

geke bvufee yî ye le to gayεε le me enù.

² Me nsaanke ŋwa' wvun fô wo le Timatio wvù è nu waa wem wvu keceey yî mbee le.

Nyo' Ice bô Klistu Jisos wvù Tata wesebeene ebuw wo, ecam shen fô wo le, enya wo bô nyekeey.

Lε Timatio ecilè bon'yεeyi bo mbiay e

³ No me nto ŋgayεε ê wo seke me nto ŋgene Masedonia le wo eshεε enù Efesus, nu ε me mbvuu ŋgayte le wo enù ke jó wvu le wo ecilè bonyii ba bô yεeyi kfuu n'yεeyi mvu wvu jεey. ⁴ È cilè ten le fo bó ejod kefew kebole jewsee yî mvumangaan e noo yî ediee ε bo'icee dikfuu di bonyii le yò bó ké no taanke gene dvú se yó kaa lo ŋkuuŋ. Mvumvun nu mwεem mvù too ke ε è nu bô bombew, ε è yaa nu ke bô ntaŋ wvù wvu Nyo' wvù bii mbee le ke. ⁵ Shiee ntefe wvun nu keege le bonyii ekeŋkè keŋkoŋen kè nen'yi fô mvuntelem mvù yuule le bô kè nen'yi fô mvuntelem mvù wee gee fiεε ε è yaa nu fi fitele esaake wvù le noo kè nen'yi fô fitele fi keceey fi wee lese yî Nyo' le. ⁶ Bonyii bomew nu ε cine wase yiyin je le ε no bvuyte gene wase ε è nu yî bonjeme bo εcici le. ⁷ Bó gomte keenu bonyii bô yεeyi bonyii bô bonci bo Nyo' le, geenen yaa cim kee naa fiεε fi bó jemyi ekume fi kenεε kenyi ke fiεε fi bó tεencine yî dvú le se nfan e ke.

⁸ Beene kee le nci Nyo' nu fiεε fi jee fan é wee joo nci wvudvu ê je yi leŋ no wvù keŋke keejoo le. ⁹ Beene kee ten le nci nu ε bó yaa to geke fô bonyii bô nu teytey e ke. Bó to geke ε è nu fô bonyii bô ŋgoyte bonci le bô bô temyi bikuu le, noo bô maa lo Nyo' le, noo bô gee bibefe

1:2 1Kol 4:17; 1Kol 4:15; 1TES 2:11; Tay 1:4 **1:3** Lem 20:1; 4:1-10; 6:3-5, 20-21; 2Tim 2:16-18, 23-26; Tay 1:10-16; 3:9-11 **1:4** 4:7; 6:20; 2Tim 2:16, 23; 4:4; Tay 1:14 **1:5** 1:14, 19; 2:15; 4:12; Lum 12:9; 13:10; 1Kol 8:1; Gal 6:10; 2Tim 1:3, 13; 3:10; Tay 1:15 **1:6** 1:4; 6:4, 20; Tay 1:10 **1:8** Lum 7:12, 16 **1:9** Gal 5:19-21

le, noo bô yaa yuule kɛ le, noo bô beete bô diee di Nyo' le, noo bô yuwyi bo'icee bobole noo bobwee bobole, noo bô yuwyi bonyii bomew e. ¹⁰ È nu tɛn fô bokɛnɛ bô bolemɛ bô jaɲkɛ kenjaɲ e, noo fô bolemɛ bô jiime fô bomew e. È nu tɛn fô bonyii bô cooɲkɛ bonyii gene bô bó le, noo fô bô mbiayte mbiay e, noo bô kane keesee keceey kane mbiayte lo le. ε è nu tɛn fô bô gee naa la fi yaa bii kɛ n'yɛyi wvu lɛɲ e. ¹¹ N'yɛyi wvun bii saaka wvù jee wvù kuuke wvù è nu wvu Nyo' wvù bó bensee le, ε saaka wvudvu nu wvù bó to nyaɛ can yɛm e.

ε Baul nya keyoone ê Tata yî shen yì wvù to camɛ fô wvù le

¹² Me nya keyoone ê Klistu Jisos wvù Tata wesebeene wvù nu ε nya me mvuɲgay keelemte lemme diw di wvù to jɲyɛɛ me yɛn lɛ me nu ε ɲkocɛn, mum baa me lɛ me enlemte le. ¹³ Naa no me ncim nto nu fwele njemyi díew yì befe ekumɛ wvù, mbone bikaa ê wvù ejim, nan'yi wvù, geenɛn ε wvù cam kɛ shen fô me le, njefo me nto ɲgee kenjiwe le n'yaa ɲkɛɲkɛ wase mbee kɛ. ¹⁴ Tata to nu ε tfuw lo mbuwma we kenkoɲɛn yì yɛm e, ge ε me no ɲkɛɲkɛ mbee bô kenkoɲɛn no wee wvù nu ε taasɛ bô Klistu Jisos ké no kɛɲkɛ. ¹⁵ Njeme wvù lɛ Klistu Jisos to to yì nshɛ le keeboyse bonyii bô befe nu naa keceey, ε è nu njeme wvù nu ε kocɛn wvù wee ebee wvù le sɛ kemaɲɛn. Me kebeɛ nto nu naa lo nfon bonyii bô befe. ¹⁶ Geenɛn, ε Tata ke cam shen fô me le, wvu lɛ Jisos Klistu eduɲɛ yì yɛm e, me wvù nu nfon bonyii bô befe, shém ye yì wvù kuule gene mɛɛse bô bonyii. ε me nto nu nonɛn diwɛ kenfewsɛn e fô bonyii bô nu ke ebee wvù le ke ekɛɲkɛ nshii wvù mɛy lo

1:10 4:6; 6:3; 2Tim 1:13; 2:2, 15; 3:14; 4:2-3; Tay 1:9; 2:1, 7-8 **1:11** 1TES 2:4 **1:12** 2:7 **1:12** Gal 1:15-16 **1:13** Lem 8:3; 9:1-5; 1Kol 15:9; Gal 1:13 **1:14** 1:5; 1Kol 15:10 **1:15** Luk 15:2; 19:10; Lum 5:8 **1:16** Efɛ 3:7-9; Kolo 1:25

le. ¹⁷ Nyo' nu Nfon wvu bvuyvuum e se ηκα, ε κε wvù yaa nulo ekpwe κε, ε κε bó nulo eyen wvù le κε. È mey κε wvù maaj wvù è nu Nyo'. Beene etumtè monkum mew, nyaà n'wvum ê wvù sekecii se ηκα. Fí enù nonen.

Lemme di Timatio elemtè

¹⁸ Timatio waa wem, me nyaà lemme di fiεε fi me njeme fin e can yo le, ε fi bii ε è nu mwεem mvù bonyii to jemyεε wase ekumε wo diεwe bonyii bò teete bontum bo Nyo' le, wvu le mvù ke efi wo é wo etum jem yì jee. ¹⁹ È leemè κε yì fitele fi wo lese yì Klistu le, eyekè fiεε fi fitele fiuw jemyi ê wo ntay. Bonyii bomew nu ε cinε wase keeyeke fiεε fi fitele fibole jemyi ê bó, ε mum ε gbwe yì mbee wvubole diεwe ηguw wvu ê joo fò wvù ε bvuj e. ²⁰ ηgoo bó le nu 'Imenayus bô Aleksanda. Me nu ε nya wase boban can Satan e, wvu le bó ekeηκε bvufee, elu bô diee di Nyo' le di bó beete dvù.

2

Ntefe ekumε bunle

¹ Fiεε fi fwe fi me nleke nu le, bonyii bo Nyo' le ebunleè fò bonyii le bocii. Bó ebunleè beelè fò Nyo' le bvuu lekè Nyo' fò bonyii bomew e, nyaà ten keyoone ê wvù. ² Bó ebunleè fò bonfon e, bô fò bonyii le bocii bò nu yì bintaw bi baay baay e. Bó ebunleè nonen wvu le è nulo é beene eceè nce kenleεten bô wvu nyekeye noo wvu bonyii bo Nyo' le noo wvù keηκε n'wvum. ³ Keebunlee nonen nu fiεε fi jee, ε fí ε kocen ejise jo Nyo' wvù Mboyse wesebeene, ⁴ wvù shieele le wee tfuu ke eboy noo le wee tfuu ekeè keceey e.

1:17 Lum 16:27 **1:18** 4:14; 6:12; 1Kol 9:24-25; 2Tim 4:7-8; Jut 3 **1:19**
 1:5 **1:20** 2Tim 2:17; 2Tim 4:14; 1Kol 5:5 **2:1** Efε 6:18-19; Fili 4:6
2:2 Esl 6:10 **2:3** Tay 3:4 **2:4** Esek 18:23; 2Tim 2:25-26; 2Bi 3:9

⁵ Nyo' nu ke mwaan maan, e wee wvù nu entelen jo Nyo' bô bonyii nu ke ten mwaan. E wee wvun nu Klistu Jisos. ⁶ È nu wvù wvù to nyaε ekole kew keesum bonyii bocii yî ηgew e. Fifi nu fiε fi Nyo' to duηceε seke kefew ke len to kocenεε. ⁷ È nεε fiε fi Nyo' to balεε me le me enù wee nfewceε noo waa ntum Jisos bô le me enù wee n'yεεyi bonyii bô yaa nu ke Bojuu keen'yεεyi bó é bó elese fitele yî Klistu le, eyεεyi ten bó bô keceεy. Ke fiε fi me njemyi fin nu ε me mbiayte lo ke. Me njemyi ε è nu keceεy.

⁸ Me ε mum ε no nshieele le bolemse ebunleè mond-vuum e monciim, cawse ε è nu can yì yuule we yaa ton'yi shém kenεε cεwkene ke. ⁹ Me nshieele ten le bokene ejjiisè ndvù ê je yi len e yì duηci n'wvum e, noo ê yì bonyii yene le è nu yi len e. Fo bó etuwci bikuu kenεε leese mwεem mvù bó kene bô ketwaa ke bigew e kè yεele kenεε ejise ε ban, kenεε ndvù yi kenlum e ke. ¹⁰ Bó esuutè ye yibo ε è nu bô gee di jee diεwε bokene bô nu ε kocen keebunlee Nyo' le. ¹¹ Kpwoon kenke keenya ekole kew keeyeke lo n'yεεyi, nu diuw tfu. ¹² Me mbaa nya je le kpwoon eyεεyi bolemse kenεε ekenke mvuηgay ê we jo bolemse ke. Wvù kenke keenu diuw tfu. ¹³ Fí nu nonen njefo è nu Adam wvù Nyo' to yawεε bom, se bom Iff. ¹⁴ E ke è yaa nu Adam wvù Satan to leleε ke. È nu kpwoon wvù bó to leleε ε wvù ηgoy nci Nyo'. ¹⁵ Naa no fí cim nu nonen, nu ε Nyo' nu ke eboyse kpwoon fele yî boom bô wvù boote le, fen é wvù ε mey ε no leeme yî fitele fi wvù lese yî Nyo' le, kenke kenkonen, cee nce wvù yuule noo wvù kenke n'wvum e.

2:5 Dito 6:4-5; 1Kol 8:6; Lum 3:29-30; 10:12-13 **2:6** Mak 10:45; 2Kol 5:15; Gal 1:4; Tay 2:14; 1Jon 3:16; Gal 4:4; Tay 1:3 **2:7** 1:11-17; Gal 1:1; 2:7-8; Efε 3:7; 2Tim 1:11 **2:8** 1Bi 3:7 **2:9** 1Bi 3:3-5 **2:10** 5:10 **2:11** 1Kol 14:34 **2:13** Kenj 2:7, 21-22; 1Kol 11:8-9 **2:14** Kenj 3:1-6, 13; 2Kol 11:3

3

No nce bocee bikuu bi kentaashe ke bonyii bo mbee le keŋke keenu

¹ Njeme mvu nu dvú ε wvú nu naa lo keceey. Njeme wvun nu le: É wee shieele kentaw keenu cee ekole ke kentaashe le, tu wvú shieele lemme ε è nu di jee. ² Cee ekole kentaashe ke bonyii bo mbee le keŋke keenu wee wvú yaa keŋke fiε fi bó ebaci wvú yî dvú le ke. Wvú keŋke keenu dwee kpwoon mwaan, yaa gee mwεem kenduun e ke, kpawaci mwεem ntay, keŋke n'wvum, fiisene bonyii bo ghane le, kee keeyeyi bonyii. ³ Wvú keŋke keenu wee wvú yaa wuu ke mbvuum ε mó koole ke. Wvú keŋke keenu nyεkeey bô bonyii yaa cεwkene ke, yaa waale waa ke, yaa keŋke shiee yî bigew e ke. ⁴ Wvú keŋke keenu wee wvú kee keetaa fô yew ye le ntay, gee ε boom bew yuuke wvú le yî fiε le ficii, wvumte wvú. ⁵ É wee nu sε wvú kee keetaa fô ye yew e ntay, é wvú ke eghan nεε sε keetaa fô kentaashe ke bonyii bo mbee le ke Nyo' le? ⁶ Ke wvú keŋke keenu wee wvú beε baŋke lo è no nu wee mbee ke. É wvú nu wvuwe wee, é wvú ke ene sekemew emum ebensee ye, ke ene eley ŋgεw diεwe wvu dεwle le. ⁷ Wvú keŋke ten keenu wee wvú bonyii bo ekfuŋ yene ten le è nu wee wvu leŋ. εfuw ke nonen, é wvú ke ene ejo ê ketam ke dεwle le eshoose ekole kew.

No nce bonyii bô fici gee dilemme ê kentaashe ke bonyii bo mbee le ente, keŋke keenu

⁸ Bonyii bô fici gee dilemme ê kentaashe ke bonyii bo mbee le ente keŋke ten keenu bô keŋke keŋge ke leŋ. Ke bó keŋke keejemyi díεw fiεε ke, yaa nu bô nu ε nya bikuu bibole ê mbvuum ke, yaa nu bonyii bô kuuŋke ke ε è nu sεw ke. ⁹ Bó keŋke keejici kenyile ke fiεε fi Nyo' nu ε duŋce

wase ê beene ekumε mbee le, leeme yî dvú le ε fiεε yaa saake bó fô fitele le κε. ¹⁰ É bo se γεε bó yî lemme le, nu ε bó κεηκε keeyaw emom bó. É bó dioo ε duηce le κε bó κεηκε jay κε, é bó emum egεε bó é bó elemte diεwε bonyii bô fici gee dilemme ê kentaashe ke bonyii bo mbee le ente. ¹¹ Boke' bobole κεηκε ten keenu bô κεηκε κεηγε ke λη, yaa kunsene mvuηkunsen κε. Ke bó κεηκε keegeè mwεem kenduun e κε. Bó κεηκε ten keeleemè yî kecεcy e yî fiεε le ficii. ¹² Wee wvù fici lemte lemme ê kentaashe ente κεηκε keenu dwee kpwoon mwaan. E wvù κεηκε ten keekee keetaa fô boom bew bô fô yew ye le ntay. ¹³ Bonyii bô fici lemte ê kentaashe ente ké lemte ntay, κεηκε diee di baay fô bikuu bibole, no nu ten se nfan ekumε fitele fi bó lese yî Klistu Jisos e.

Fiεε fi kuuke baay fi è nu fi mbee wesebeene le

¹⁴ Me n'yene le è sheete wase caan é me ento en'yen wo le. Geenεn ε me saanke mwεem mvun fô wo le wvu le, ¹⁵ é me nε lo è no ndvuyte, é wo ekee no bonyii κεηκε keegeε mwεem ente jo yew yî yi Nyo' yî è nu kentaashe ke bonyii bo mbee le bo Nyo' wvù κεηκε nshii le. Kentaashe kin nu kfuy bô kenffuy kè jici kecεcy e. ¹⁶ Fiεε nu dvú ε fí kuuke naa baay. E fiεε fin nu fi to shee nu ê kenyile le ekumε mbee wesebeene wvù beene jemyi, ε Nyo' ε ge wase beene ε kiεε. Fiεε fin nu le:

Wvù to nu ε duηce ekole kew yî nyam ye wee wvu wum e. Keyoy ke Yuule to nu ε bense wvù.

Bonceendaa bo Nyo' le to nu ε yen wvù le.

Bó to nu ε fewce ekumε wvù ê bitum bicii.

Bonyii to nu ε lese fitele yî ye le wonj tfuu.

Bó to nu ε jo wvù ε wvù ben we ley bvukuke le.

4

Ekumε bonyii bo n'yεεyi le bo mbiay e

¹ Keyoy ke Yuule jemyi lo teytey le è nu ke enu kefew kemew e, é bonyii bomew ecinε mbee le eyuuke wase mwεεm ε è nu ê biyoy bì læle bonyii noo bon'yεεyi bo bonceendaa bo dεwle le. ² ε bon'yεεyi ban nu ke etoo can bonyii bô ghane buwsee bonyii mbiayte mbiay, ε mvuntelem mvubole ε cife wase ke diεwε bó ton ε è nu bô kento. ³ Bó nu ke ekane le fo bonyii etaashì bvujen, bô le fo wee edieè kfuu mwεεm mvumew ke. ε mwεεm mvun nu ε Nyo' to fe le bonyii edieè, ε bonyii bô keηke mbee bvuu kee keceεy dioo diee no nyaa keyoone ê Nyo'. ⁴ Fiεε ficii fi Nyo' to feλεε nu ε fí jee, ε fimew yaa nu dvú fi wee etune é wvú fen ε fiisen bô keyoone ê Nyo' ke, ⁵ njefo njeme wvù wvu Nyo' bô bunle nu ε ge wase fí ε no yuule.

Waa lemme wvu Klistu Jisos wvù jee

⁶ É wo duηci mwεεm mvun ê boom bo bwee wesebeene le, é wo enù wee lemme wvu Klistu Jisos wvù jee wvù nu ε bó ε kuuse bô diεw Nyo' yì nu ekumε mbee bô n'yεεyi wvù jee wvù wo bii wvù le. ⁷ Fo wo ekeηke naa lo fiεε keege bô mvumangaan mvu ecici mvù nu se mvú keηke fiεε keege bô Nyo' ke. Yεεyε ekole kuw keecee nce ε è nu wvù Nyo' gomte. ⁸ Keedvumte ndvum yaci ye keηke ke sew fô wee le. Geenεn ε keecee ε è nu nce wvù Nyo' gomte keηke sew fô wee le ê jé le yicii, njefo fifin keηke sew yî nshii wvu keseen e, bvuu keηke yî nshii wvù too le. ⁹ Njeme wvun nu naa keceεy, ε è nu njeme wvù nu ε kocen wvù wee ebee wvù le se kemaηen. ¹⁰ È nεε fiεε fi bese famte edien yî lemme din e njefo bese nu ε leke bvufee bvusese bvucii

4:1 1:10 4:1 2Tim 3:1 4:3 1Kol 7:1; Kej 9:3; Lum 14:2; Kolo 2:21; Ibu 13:9; Lum 14:6; 1Kol 10:30 4:4 Kej 1:31; Lem 10:15 4:6 1:10 4:7 1:4 4:8 6:6 4:10 Tay 3:4

yî Nyo' wvù keŋke nshii le. Nyo' nu Mboyse bonyii bocii, efey mvunciim bonyii bò nu ε bee wvù le.

¹¹ Ê yεεyî bonyii bô mwεem mvun gayte ε bó gee mvú.

¹² Fo wo ecine é wee ejodò wo ekuse le njefo wo beε wan caan ke. È nù kenfewsεn fô bonyii bo mbee le ê je yî wo jemiyi jó bô yî nce wo le, noo keŋkonεn kè wo keŋke le, noo fitele fi wo lese yî Nyo' le, noo je yî wo gεεle ye yo jó ε yî yuule le. ¹³ Nya ekole kuw keetaaŋke ŋwa' Nyo' ê bonyii ya le, ebvuu efewci diεw Nyo', eyεεyi ten bó egeŋ ebuy seke me ŋke ento. ¹⁴ Fo wo elañ nnya yo ke. Nnya yin nu yî bó to nyaε ê wo seke ŋgoo bocee bikuu bi kentaashe ke bonyii bo mbee le to gεελεε can yibo yî yo le jemiyi ê wo we diεwe bonyii bo ntum Nyo' le. ¹⁵ Nya ekole kuw ê mwεem mvun, egeè mvú mvunciim ε bonyii bocii yeŋe ŋgenfwe wo le. ¹⁶ È yenè bô ekole kuw noo bô n'yεεyi wo. Ê jici dvú ntay wvu le no wo gee nonεn, é wo ke eboyse ekole kuw, eboyse ten noo bonyii bò yuuke fiεε fi wo jemiyi.

5

Ntefe no Timatio egeè bô bonyii bo mbee le

¹ Fo wo ke dioo jemiyi fiεε ê wee wvu ŋgaywee no wamene lo wvù ke. Geenεn tefe lo wvù ke diεwe ico le. Ê jodò cubonyii diεwe boom bo bwoo le. ² Ê jodò ten bokεne bo ŋgaybonyii diεwe bobwoo le, ejodò ŋgon bokεne diεwe jéme yo le, etaalè bó ê je yî yuule le.

No è nulo é kentaashe etaale fô bokε' bo boŋkfu le

³ È taalè fô bokε' bo boŋkfu le bò è looci nu bò yaa keŋke ke wee wvù taale fô bó le ke. ⁴ Geenεn, é kpwεε ŋkfu keŋke boom, kenεε boom bo boom e, é wo cine ε bó yaw yεεyi

keegge lemme dibole di mbee le, wvu le bó etaale ten fô bobwee bobole kenεε fô bo'icee bobole no bó to taale fô bó le. Fifin nu fiεε ε fí ε kocεn ê Nyo' ejise. ⁵ Kpwεε ηkfu wvù looci nu kpwεε ηkfu wvù yaa bvuu kenke wee wvù taale fô wvù le, nu ε wvù taale ke wase fwe ε è nu yí Nyo' le, bunlee sekecii beele fô Nyo' le εntaη bô εmvunsheen. ⁶ Geenεn, ε kpwεε ηkfu wvù ghane fiew diee ε è nu ekole kew, nu ε wvù ε kpwe ke wase naa no wvù cim bæε lene ê we. ⁷ È jemyì mwεεm mvun ê bó, wvu le fo bonyii ke ene ebaci bó. ⁸ É wee nu se wvù taale fô kfuu diew e, efey mvunciim fô ye yew e, tu wvù nu ε tun wase nce wvù è nu wvu mbee. Ε didie gee nu ε dí ε fo ε fey naa lo di wee wvù yaa nu ke wee mbee le.

⁹ Kpwεε ηkfu wvù è nulo é bó elese diee diew ηgoo boke' bo boηkfu le bò bó eficì bó kenke keenu wvù nu ε buy wase bilum mbarsoocaa, wvù to nu ke kpwεε diemsen mwaan, ¹⁰ ε è nu wvù bó kee lo le wvù kenke gee di jee. Fi nu le: Wvù kuuse boom bew ê je yì jee le, fiisene botolo ê wvù yew, ε wvù ε cuke wase ten bikaa bi bonyii bò è nu bo Nyo' le, ε ficε bonyii bo ηgew e, ε wvù ε nya ekole kew keegge lemme di jee ê jé le yicii.

¹¹ Geenεn, fo wo ebee keelese boke' bo boηkfu le bò bæε boom bo caan ηgoo bò bó eficì le ke, njefo é ye yibo ja ε kew ε no ηeyte, é bó emum edaaye ηkawma wvù bó to gee ê Klistu, emum egomte keekase egen ê bolemse bomew e. ¹² É bó ge nonεn, tu bó ε jo wase ηgew yí bikuu bibole njefo bó nu ε ηgoy wase ηkawma wvubo wvu fwe. ¹³ Ε keebvuu ebise fó nu, é wo lese bó ηgoo le, é bó ene enu wase bonyii bò shee laame lo, gbwayte yew bonyii le dansene. Ε è yaa mεy ke le bó nu eshee laame lo ke, bó nu ekunsene ten mvunεunsen, leese dew fô mwεεm

mvu bonyii le, jemyi mwεem mvù bó yaa kεjke keejemyi ke. ¹⁴ Nonen me ε no nteete boke' bo bojƙfu le bò bæ boom bo caan le bó ekase egen etaashε bvujen bô bolemse bomew, eboo boom, etaalè fô yéw yibole, fo wee bvuban ke ene ebεε ejim jodvu ebeete bô diee disεbeene. ¹⁵ Me ηgayte nen njefo bonyii bomew bó le nu ε jay wase je ε tu ê keba ke Satan e. ¹⁶ É kpwoon wvù è nu wee mbee kεjke boke' bo bojƙfu le ê kfuu dibole, é wvù nu fici bó, wvu le fo kentaashε ke bonyii bo mbee le etuule bvujite ke. É kí efici wase ε è nu boke' bo bojƙfu le bò looci nu εbonebon.

Fiε fi bonyii bo mbee le kεjke keege fô bocee kentaashε le

¹⁷ Bocee bikuu bi kentaashε ke bonyii bo mbee le bò lemte ntay nu ε bó kεjke keenyaà n'wvum bô mmawce ê bó ntay, efey mvunciim bò fewci ten diew Nyo' bvuu yεyɪ bonyii. ¹⁸ Bó kεjke keenyaà nonen njefo ηwa' Nyo' gayte le,

“Fo wo esûm diuw nyam seke yí læ εgiη ke.”

ε fí bvuu nu ten le, “Wee lemme kεjke keekεjke nlawma we.” ¹⁹ Fo wee ke eyuu eshomse cee ekolε ke kentaashε le kemew ê wo, é wo emum ebee wvù le se bonyii ε leem bofεε kenεε botεte ε ben jim nsaw wvudvu ke. ²⁰ É è nu wee wvù nu ε mey ke ε no gee kebefε gene dvú, é wo wamen wvù ejise jo bonyii bocii, wvu le kebese efan.

²¹ Me njemyi fin ê wo fwe dvu Nyo' bô Klistu Jisos noo bonceendaa bô Nyo' nu ε baa le, wo egeè fiε fi me ηgayte fin yaa tuu dwen wee mvu ke, egeè fiε yaa duηci kejεy jεy ke. ²² Fo wo ebuwbuwè keegeε can yî wee le le wvù enù cee ekolε ke kentaashε ke bonyii bo mbee le ke. Fo wo

5:14 1Kol 7:9 5:17 1TES 5:12 5:18 Dito 25:4; Luk 10:7; 1Kol 9:9, 12-14 5:19 Dito 19:15; Mat 18:16; 2Kol 13:1 5:20 Gal 2:14; Efε 5:11
5:22 4:14

elese fiuw can fô kebefε ke wee mvu le κε. Γεελε εκολε kuw ε κί eyuulè.

²³ Fo wo ebvuu ewuu κε ε è nu joo maan κε. È wuù ten fimmbvuum caan nje tee diuw bô no wo mooci κε cεmcεme baay nen. ²⁴ Bibefε bi bonyii bomew e ké no yen'yi naa baay duŋci le bó nu ε gbwe wase nsaw, ε bi bomew e ké jo naa kefew se yenε. ²⁵ È nu κε leŋleŋ no gee di jee di bonyii bomew e ké no yen'yi. É dí cim baa yaŋsen eyene, tu κε dí nu ke emey nyiime κε.

6

Nfwa wvù nu wee mbee eyuukè wee wvù keŋke wvù le

¹ Bonyii bocii bô nu εκuse jo kemmbuŋ ke bvunfaw e keŋke keenyaa n'wvum ê jé le yicii ê bonyii bô keŋke bó. Bó egeè nonen, wvu le fo bonyii ejemyi díew yì befe ekume diee di Nyo' le noo n'yεeyi wesebeene κε. ² Fo bonfaw bô bonyii bô keŋke bó nu bonyii bo mbee le emum ejoð bó εκuse le njefo bó bocii nu boom bo bwee wan e yì Klistu le κε. Bó keŋke keelemte lo fô bó le ntay fesene lo, njefo bonyii bô keŋke sew lemme dibole nu ε è nu bonyii bo mbee le ε bó kooŋke bó naa ntay.

Bonyii bo n'yεeyi le bo mbiay e bô bvukuke bvù leŋ

È yεeyi bonyii bô mwεem mvun, teete bó le bó egeè mvù. ³ É wee yεeyi n'yεeyi mvu jεey yaa beje n'yεeyi wvu leŋ wvù wvu Tata wesebeene wvù Jisos Klistu le noo n'yεeyi wvù kocine bô nce wvù Nyo' gomte, ⁴ tu mweten bensee ε è nu ye yi ecici yaa kee fiεε κε. Wvuwe wee cεmte bô kencem ke bombew bô mvuŋkicεn mvu díew e mvù too bô kendorj ke benεen noo diwaa noo díew yì befe noo

keebiinene bonyii keŋke ŋkpawwɛ wvù befe, ⁵ noo diuw wvu kumɛɛn enteleŋ jo bonyii bò nu ε bvufee bvubole ε lɛmlɛm wase ε bó ε lase wase keɛɛy e. Bó gee nonɛn kpwaake lɛ fiɛɛ fi Nyo' le nu je mi yì bó nu ke ekuw jó.

⁶ Geenɛn é wee cee nce wvù Nyo' gomte bvuu yuuke njoŋ bô fiɛɛ fi wvù keŋke, tu è nu naa bvukuke bvu baay, ⁷ njefo beene to to ê woŋ jan cancan, ε beene nu ke etu ke jim cancan. ⁸ Nonɛn é beene keŋke mwɛɛm mvudien bô ndvù, tu mvumvun nu ε kocɛn fô beene le. ⁹ Geenɛn bonyii bò gomte ε è nu bvukuke ké ley mmom e, jo ê ketam e, mum ley shiee mwɛɛm e nteen mvu keyuŋ e mvù too bô boŋɛw. ε mwɛɛm mvun nu mvù ffùmte bonyii ŋɛw e ε è yaa nu wvu wɛɛ ke. ¹⁰ Dikfuu di mwɛɛm mvù befe le mvunciim san ε è nu yì keŋkoŋɛn ke bigew e. È nu nje shiee wvu baay wvun wvù bonyii keŋke fô bigew e wvù bonyii nteen nu ε jay wase je yì mbee wvubole, ε bon'ye mvuntelem mvubole bô mwɛɛm mvu nsase le nteen.

¹¹ Fô wo le Timatio, wo nu fiuw wee Nyo'. É lewtè lo fiuw mvumvun mwɛɛm. È taalè ε è nu keekeŋke nce wvu teytey noo nce wvù Nyo' gomte. È jicì mbee wo le, keŋke keŋkoŋɛn, kuule shém, keŋke tɛn nce wvu nyɛkeey. ¹² È diuù bvudiuw bvu mbee le bvù jee, jicì nshii wvù mey lo wvù bó to teŋɛ wo keeley wvù le, ε wo leem ê bonyii nteen fwe bò eben jim nsaw wo, ε wo jeme lɛŋ ekumɛ mbee wo.

¹³ Me ε mum ε no njemyi ê wo ejise jo Nyo' wvù nyaa nshii ê mwɛɛm mvunciim, noo ê ejise jo Klistu Jisos wvù to leemɛ fwe dvu Bontus Baylet jeme fiɛɛ fi lɛŋ bô diuw we ekumɛ ekole kew, ¹⁴ ŋgayte lɛ wo egeelè bonci ban, nù se nlom ε fiɛɛ yaa nu dvù fi wee ebaci wo yì dvù le egen ebuy

6:5 Jon 10:12; Lem 20:33-34; 1TES 2:5; Tay 1:11; 1Bi 2:14; 5:2 **6:6**
 4:8; Fili 4:11; Ibu 13:5 **6:7** Job 1:21; Eklɛ 5:14 **6:8** Bɲgn 30:8-9 **6:12**
 1:18; 4:14 **6:13** Mat 27:11-26; Jon 18:28-19:16 **6:14** 1:3, 18; Fili 1:10;
 1TES 5:1-2

kefew kè Tata wesebeene wvù Jisós Klistu nu ke ebuynen e. ¹⁵ E wvù nu ke ebuynen e è nu ê kefew ke læŋ e, kè è nu ke eduŋce Nyo' wvù bó bensee, wvù è meŋ ke wvù wvù saake mwεem mvunciim, nu Nfon bonfon noo Tata botata bocii. ¹⁶ Ê meŋ ke wvù maarŋ wvù yaa nulo ekpwe ke, e wvù nu ê n'yuu wvù è nulo wee saa ebence nceencee fó le ke. Wee ke baa yuu yen wase wvù le, e ke è nulo é wee eyen wvù le ke. N'wvum nu ê wvù, e sa' ye nu yì meŋ lo. Fí enù nonen.

¹⁷ Ê dioo tu ê keba ke bonyii bo kpaw e yì woŋ wvun e, è jemyì ê bó le fo bó ebenseè ye ke. Fo bó eleke bvufee bvubole yì kpaw e wvù nulo ke ene eka le ke. Bó eleke bvufee e è nu yì Nyo' wvù looci tfuuke lo mwεem mvunciim ê beene le beene eyuuke njoŋ dvù le. ¹⁸ Bó egeè e è nu mwεem mvù jee, é kpaw wvubo enù mwεem mvù jee mvù bó gee. Bó eyene can yibo enyaa nnya yaa taale ke. ¹⁹ Yiyin nu je yì è nulo é bó egeele ntfu fô bikuu bibole yì ntfuu le diewe kenffuy kè temyi le, wvu le bó ejici nshii wvù looci nu nshii le.

²⁰ Timatio, è jicì ke fiε fi bó nu e geε can yo le. È wemte lo bonjeme bò yaa keŋke ke fiε keεge bò Nyo' noo bonjeme bo mvunŋicen e bò bonyii kpwaake le è nu bo bvufee le. ²¹ Bonyii bomew nu e ne wase e no kuŋene mvumvun mwεem, e ne e jay je ê keba ke mbee wvubole. Tata ebuw ben bocii.

6:15 Lem 1:7; 2Bi 3:3-9; Mwm 17:14 **6:16** Ksm 33:20; Mben 104:2; Jon 1:18; Kolo 1:15; 1Jon 4:12 **6:17** Mben 62:10; Luk 12:15, 20; Jεm 5:1 **6:19** Mat 6:20 **6:20** 1:4; 6:4; 2Tim 1:14 **6:21** Gal 6:18

Ŋwa' Nyo' Moŋkan mo Monfɛm New Testament in Noone (CM:nhu:Noone)

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30
